## АЖРИМ

(даъво аризасини кўрмасдан қолдириш тўгрисида)

## Каттақўрғон туман

2025 йил 19 февраль

Каттақўрғон туманлараро иқтисодий суди, судья Ж.Юсуповнинг раислигида, судья ёрдамчиси О.Алишеровнинг нинг суд мажлиси котиблигида, Ўзбекистон фермер, деҳқон ҳўжаликлари ва томорқа ер эгалари Самарқанд вилояти Каттақўрғон туман кенгаши "Mashxurbek Azimjon" фермер ҳўжалиги манфаатида жавобгар "Amina Gold Invest" масъулияти чекланган жамиятига нисбатан берган даъво аризаси асосида қўзғатилган иқтисодий ишни, суд биносида видеоконференцалоқа режимида, ўтказилган очиқ суд мажлиси муҳокамасида, даъвогар вакили Ж.Султонов (2025 йил 13 февралдаги 1-сонли ишончнома асосида) иштирокида, ўтказилган очиқ суд мажлисида кўриб чиқиб, қуйидагиларни

## аниклади:

Ўзбекистон фермер, деҳқон хўжаликлари ва томорқа ер эгалари Самарқанд вилояти Каттақўрғон туман кенгаши (матнда Кенгаш деб юритилади) "Mashxurbek Azimjon" фермер хўжалиги (матнда даъвогар деб юритилади) манфаатида Каттақўрғон туманлараро иқтисодий судига даъво аризаси билан мурожаат қилиб, "Amina Gold Invest" масъулияти чекланган жамияти (матнда жавобгар деб юритилади)дан 320 137 063 сўм ҳақдорлик, 123 252 745 сўм пеня ва олдиндан тўлаб чиқилган 37 500 сўм почта харажатини ундиришни сўраган.

Суд мажлисига жавобгар вакил иштирокини таъминламади.

Бундай ҳолатда суд, Ўзбекистон Республикасининг Иқтисодий процессуал кодекси (матнда ИПК деб юритилади) 170-моддасига асосан, ишни ундаги мавжуд ҳужжатлар асосида жавобгар вакил(лар)и иштирокисиз кўришни лозим топади.

Суд мажлисида иштирок этган даъвогар вакили даъво аризасини қаноатлантиришни сўради.

Суд, иш ҳужжатларини ўрганиб чиқиб, қуйидаги асосларга кўра мазкур даъво аризани кўрмасдан қолдиришни лозим топади.

Даъвогарнинг даъво аризасида жавобгар "Amina Gold Invest" МЧЖдан 320 137 063 сўм ҳақдорлик, 123 252 745 сўм пеня ва олдиндан тўлаб чиқилган 37 500 сўм почта харажатини ундиришни сўраган.

Аниқланишича, Каттақўрғон туманлараро иқтисодий судининг 2025 йил 3 февралдаги 4-1402-2402/2356-сонли ҳал қилув қарори билан "Amina Gold Invest" МЧЖ банкрот деб топилган ва унга нисбатан тугатишга доир иш юритиш бошланган.

Демак, жавобгарга нисбатан банкротлик тўғрисида иш қўзғатилган, бугунги кунда тугатиш ишлари якунланмаган.

Ўзбекистон Республикаси Иқтисодий процессуал кодекси 107-моддасининг 9-бандига кўра, жавобгарга нисбатан тўловга қобилиятсизлик тўгрисида иш қўзғатилган бўлса ва жавобгарга нисбатан тақдим этилган талаб

қонунга кўра тўловга қобилиятсизлик тўғрисидаги иш доирасида кўрилиши лозим бўлса суд даъвони кўрмасдан қолдиради.

Бундай ҳолатда суд, жавобгарга нисбатан 2025 йил 3 февралда тўловга қобилиятсизлик тўғрисида иш қўзғатилганлиги сабабли даъвогарнинг даъво аризасини кўрмасдан қолдиришни, суд харажатларини даъвогар зиммасига юклаб, олдиндан 37 500 сўм почта харажатини тўланганлигини, ҳамда Кенгашнинг давлат божи тўловидан озодлигини инобатга олишни, иш видеоконференцалоқа режимида кўрилганлиги сабабли даъвогардан Ўзбекистон Республикаси Олий суди депозитига 93 750 сўм ВКА харажати ундиришни лозим топди.

Юқоридагиларга асосан, Ўзбекистон Республикасининг Иқтисодий процессуал кодекси 107-моддасининг 9-банди, 109, 118, 195-моддаларини қўллаб, суд

## ажрим килди:

Каттақўрғон туман фермер, деҳқон хўжалиги ва томорқа ер эгалари кенгашининг даъвогар "Mashxurbek Azimjon" фермер хўжалиги манфаатида жавобгар "Amina Gold Invest" масъулияти чекланган жамиятига нисбатан берган даъво аризаси кўрмасдан қолдирилсин.

Даъвогар "Mashxurbek Azimjon" фермер хўжалиги томонидан олдиндан 37 500 сўм почта харажатини тўланганлигини инобатга олиниб, зиммасида қолдирилсин.

Даъвогар "Mashxurbek Azimjon" фермер хўжалиги хисобидан Ўзбекистон Республикаси Олий суди депозитига 93 750 сўм ВКА харажати ундирилсин.

Ажрим устидан шикоят қилиниши (протест келтирилиши) мумкин.

Судья

Ж.Юсупов

